



La band AndaRojo cun il cineast Curdin Fliri.

FOTO ANDAROJO

AndaRojo battegia disc cumpact

Il disc cumpact «Desert» registrà en l'America dal Sid

■ (cd) Dapi la davosa fin d'jamna san fans da musica cumprar il niev disc cumpact «Desert» d'AndaRojo. Ensemen cun ProZack e Cigi and the straight outta Mama ha la band romontscha AndaRojo festivà il batten da lur emprim disc cumpact da studio, ch'els han registrà a Buenos Aires en l'America dal Sid. La band AndaRojo che sa cumpona ord Hans Konzett (bataria), Johi Rauber (Keyboards + chant), Andi Meerstetter (bass) e Roland Vögtli (gitarra + chant) e chanta chanzuns en rumantsch, englais u spagnol. Dapi l'avrigl 2005 viva questa furmazium il rock & roll ed ha già blers concerts, tranter auter era als open airs Scharans e

Chapella. Il november 2006 ha la band pachetà las cofras ed è sglà en l'America dal Sid. Là han els fatg in tur d'Ecuador sur Peru fin l'Argentina. Cun els è il cineast Curdin Fliri viaggià ed ha realisà in film sur dal viadi da tschintg mais en l'America dal Sid. A Buenos Aires, la destinaziun finala da la band, han els sa retratg en il studio «Del Cielito», nua ch'els han registrà il disc cumpact «Desert» cun agid da Gustavo Gawvry, ch'ha già luvrà ensemen cun ils Rolling Stones e Manu Chao.

Dapi l'avrigl 2007 è la band enavos en Svizra. La band ha già prendì part e gudagnà a la concurenza «Amar la vita» dal Radio Rumantsch, e davosa fin

d'emna è finalmain stà il batten. La band ha envidà en l'Etniko a Vaz-sut ad in'occurenza da benefizi ensemen cun ProZack e Cigi and the straight outta Mama. Il cineast Curdin Fliri ha era presentà sequenzas da sia dvd «Il viadi» al grond publicum ch'è arrivà. L'entir gudogn da l'entrada va directamain ad uffants a Kamerun ch'èn el project d'agid d'uffants Unique Direct. Cun quai batten finescha AndaRojo in chapitel da la band. Ma els vulan ussa cumanzar in nov chapitel, bainspert han els era lur proxima visita el studio per registrar duas novas chanzuns.

Il disc cumpact e la dvd san vegnìr retratgs sin www.andarojo.com.